

Powšitkowne WOZJEWJENJA

njedźelu, 10. januara 2016

Koparski turněr wo pokal TCM

Towarstwo Cyrila a Metoda z.t. (TCM) zarjaduje sobotu, 16. januara, w 14.00 hodź. w Chróšćanskej „Jednoće“ halowy koparski turněr wo pokal TCM. Přeprošene su wosadne a wjesne mustwa młodžiny kaž tež mustwa sportowych jednotkow. Kóždy mustwo měło z wosom hrajerjemi nastupić. Hrać budže so z třomi koparjemi a wrotarjom. Přizjewić měli so mustwa hač do njedźele, 10. januara, pola předsydy TCM Jurja Špitanka, telefonowe čisło (03 57 96) 9 63 47 abo mobilnje pod (01 72) 7 97 38 29.

Za Swětowe zetkanje młodžiny so přizjewić

Serbscy młodostni podadza so klětu zhromadnje na Swětowe zetkanje młodžiny do Krakowa. Tute wotměje so wot 20. do 31. julija. Přizjewić měli so k tomu najpozdzišo hač do 20. januara 2016 z formularom. Tute su w cyrkwjach wupožene. Wšitke nadrobne informacije su na tutech flajerach a w Katolskim Posole podate.

W zymskich prózdninach do Schmiedeberga

Dekanatne dušepastyrstwo přeprošuje šulerki a šulerjow 4. a 5. lětnika w druhim tydžej zymskich prózdnin wot póndžele do pjatka, 15. do 19. februara, na zhromadne dny do Winfriedowego domu w Schmiedebergu. Zajimcy njech so prošu hač do wutory, 26. januara, pod telefonowym čislom 03 57 96 (8 87 07) we Worklecach přizjewja.

Zhromadny dzeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika sobotu, 30. januara, wot 9 do 15 hodź. do Don Boskowego domu we Worklecach. Zajimcy njech so prošu hač do wutory, 26. januara, pod telefonowym čislom (03 57 96) 8 87 07 we Worklecach přizjewja.

Swjedzeń swjateho Bosćana w Chróšćicach

Předsydstwo Bratstwa swjateho Bosćana přeprošuje wšitkich na swjedzeń swjateho Bosćana srjedu, 20. januara, do Chróšćic. Bože mšě budu w 6.45 hodź., 9.00 hodź. a 19.00 hodź. Swjedženski nyšpor z procesionom po wsy je w 14.00 hodź. Po nyšporje změja člonoj bratstwa na farje swoju hłownu zhromadźiznu. Wěriwi ze wšitkich serbskich wosadow su přeprošeni, do Bratstwa swjateho Bosćana zastupić. Štóž chce z člonom być, njech so hač do soboty, 17. januara, na Chróšćanskej farje přizjewi, telefonowe čisło (03 57 96) 8 04 00.

150 lět po zjewjenju w Filipovje

Nócna jubilejna wopomnjenska Boža mša budže srjedu, 13. januara, 4 hodź. w čěskim Filipovje. Lětsa je tomu 150 lět, zo zjewi so mać Boža ćežko chorej Magdalenje Kade a slubi jej wustrowjenje. To so dzeń pozdzišo tež sta.

Pěši do Częstochowy

Tež lětsa pozbudza farar Beno Jakubaš, so wot 5. do 15. awgusta w serbskej skupinje na putnikowanje z Warszawy do Częstochowy podać. Zajimcy njech so bórže přizjewja pola fararja Bena Jakubaša w Radworju, telefonowe čisło (03 59 35) 2 07 13.